

Kouland 2


Episode 9: Spookasem

Kerngedagte : Betroubaarheid is een van die belangrikste dinge wanneer dit kom by verhoudings. Die Here wil ons gebruik om groot dinge in Sy Naam te doen. Ons staan in ons eie pad in ons verhouding met God en met mense as ons nie betroubaar is nie.

Doelwit : Kinders gaan nadink oor die manier waarop hulle betroubaarheid die verhoudings in hul lewe beïnvloed

Steltekste: Lukas 16:10

Bybelverhaal: Spookasem Saul – 1 Samuel 13



Die beloftes wat ons maak is baie keer soos 'n yslike groot spookasemwolk. Groot, mooi, soet. Dit is ongelukkig dikwels eers wanneer die belofte tot aksie moet oorgaan wat daardie soet belofte soos mis voor die son verdwyn. Ons het al almal aan beide kante van so 'n spookasemwolk van beloftes gestaan. Elkeen van ons het al 'n belofte gemaak en ander teleurgestel wanneer ons nie daarby hou nie. Elkeen van ons was al teleurgesteld deur 'n belofte van iemand wat nie tot werking oorgegaan het nie. Een ding is seker, beloftes maak skuld. Skuld plaas druk op verhoudings. Verhoudings kry seer as gevolg van teleurstellings.

Wanneer dit kom by die beloftes en die Woord van die Here, is daar geen spookasemwolk beloftes nie. Wanneer Hy praat, belowe Hy nie net nie. Wanneer Hy praat, bring Hy lewe en hoop. Wanneer Hy beveel, skuif water weg, storms word stil en Sy beloftes word tot vervulling gebring in jou lewe. Dit mag dalk nie lyk soos jy dit graag wou hê nie. Hy bring dit tot vervulling omdat Hy juis weet wat die beste vir jou is. Betroubaarheid is een van die mooiste eienskappe om die Here te beskryf. Hy is die Een op wie ons altyd kan staatmaak. Hy is die enigste konstantheid in ons lewe.

Die vraag is, as die Here graag wil hê dat ons Hom moet verteenwoordig op aarde, hoe sou jy jou betroubaarheid beskryf? Praat jy spookasemwolke en verdwyn soos mis voor die son wanneer dit tot aksie moet oorgaan? Is jy iemand waarop almal kan staatmaak? Iemand wat ten spyte van uitdagings steeds gehoorsaam en getrou is aan die dinge wat jy uitgesit het om te doen?

Dit mag dalk onmoontlik voel om altyd betroubaar te wees, maar wanneer jy wandel saam met die Here, sal Hy jou lei in die manier hoe jy leef. In Sy leiding, sal Hy jou wys wanneer dit tyd is om stil te bly en eerder nie valse beloftes of stellings te maak nie. In Sy leiding, sal Hy jou hart toets, sodat jou rede agter aksies altyd die plan reflekteer wat Hy vir jou lewe het. Miskien is 'n gehoorsaamheid tot God een van die eerste stappe wat ons kan volg om betroubaar te wees in ons verhouding met God en met mense.

Israel se eerste koning kan beskryf word as 'n groot spookasemwolk met 'n kroon op. Die volk get gekla omdat hulle ook 'n mens koning wou hê om na op te kyk. Saul was uitgekies deur God vir die rol as hierdie Koning. Dit was nou 'n man wat sommer gelyk het soos 'n koning wat mens kan volg. Lank, sterk en 'n bobaas vegter. Saul se grootste fout was egter dat Hy nie getrou aan die Here was nie. Saul het gesukkel om gehoorsaam te wees aan die opdragte wat die Here gee. Hy het net eenvoudig die dinge gedoen wat vir hom makliker was om te doen en het hom nie gesteur aan die dinge wat God van hom gevra het wat meer moeite geverg het nie. Sy onbetroubaarheid het nie net gelei tot 'n skeiding tussen hom en God nie, maar dit het hom ook heeltemal van koers af gevat van die plan wat die Here met Saul se lewe gehad het. Die Here kies toe 'n nuwe Koning. In 'n verlate veld roep hy 'n skaapwagter seuntjie op. Dawid, 'n man na aan God se hart. 'n Man wat by woord en daad getrou wou bly.

Betekende dit dat Dawid nooit foute gemaak het nie? Beslis nie. Dawid het ook lekker in ongehoorsaamheid afgedwaal en teleurgestel. Die verskil tussen Dawid en Saul was dat Dawid in besef van sy foute dinge met God reg gaan maak het. Daar is Psalms waar Dawid bitterlik huil voor God en vra vir vergifnis. Dawid het geweet dat sy verhouding met God eerste reg gemaak moet wees, voordat Hy dinge met mense wou regmaak. Saul het by groot woorde en slim verskonings gebly wanneer hy vir God teleurgestel het.

Mag die verhaal van Saul en Dawid vir ons leer om versigtig te wees met ons woorde en dade. Mag ons nie spookasemwolke wees wat teleurstel in die manier hoe ons aksie tot ons woord gee nie. Mag ons ook kies dat ons verhouding met God die heel belangrikste is. Mag ons getrou bly aan die plan wat God vir ons lewens het, sodat Hy ons ook kan gebruik om getrou aan Sy Koninkryk te bou.

Aktiwiteit 1 - Spookasemwolk van beloftes.

Ysbreker:

1. Neem 'n spookasemwal. Breek vir elke kind 'n stukkie af. **Sê in jou eie woorde:** Die beloftes wat ons maak is baie keer soos 'n yslike groot spookasemwolk. Groot, mooi, soet. Dit is ongelukkig baie keer eers wanneer ons moet doen wat ons belowe het om te doen, wat ons beloftes soos spookasem in jou mond verdwyn. As ek tot 3 tel, dan sit ons almal gelyk die spookasem in ons monde.
2. **Sê in jou eie woorde:** Hoe vinnig het daai spookasem gesmelt in jou mond? Wat proe julle nou? Ja, al is die spookasem weg, proe jy nogsteeds die soet in jou mond al is dit weg. Dit is baie keer hoe die beloftes wat ons maak werk. Al doen ons nie wat ons sê ons gaan doen nie, voel mense nog lank daarna hartseer omdat jy nie gedoen het wat jy gesê het jy gaan doen nie. Elkeen van ons het al 'n belofte gemaak en ander teleurgestel wanneer ons nie daarby hou nie. Elkeen van ons was al teleurgestel deur 'n belofte wat iemand nie gehou het nie. Een ding is seker, beloftes maak skuld. Skuld sit druk op verhoudings. Verhoudings kry seer as gevolg van teleurstellings.

Gaan lees Lukas 16:10

1. Wat beteken dit om betroubaar te wees?
 2. Wat bedoel Jesus met hierdie woorde?
 3. Hoe het jy gevoel toe iemand nie iets doen wat hulle gesê het hulle gaan doen nie?
 4. Hoe het jy gevoel die volgende keer toe daardie persoon weer vir jou beloof om iets te doen?
 5. Waarom is dit vir God so belangrik dat ons betroubaar is aan Hom?
 6. Waarom is dit vir God so belangrik dat ons betroubaar is aan mense?
 7. Wat kan ons doen wanneer mense ons vra om iets te doen as ons nie seker is of ons dit sal kan doen nie?
-
1. Deel vir elke kind die volgende uit: 'n Spookasemwolk inkleurvel
: 'n Stuk watte
 2. Skep 'n oomblik vir die kinders om neer te skryf wat op hul harte druk onder die volgende opskrifte in die wolkie:
 - Mense wat nie hulle beloftes gehou het aan my nie
 - Mense by wie ek nie my beloftes gehou het nie
 3. Plak nou die watte bo-oor die geskryf. Verduidelik vir die kinders dat dit wat hulle neergeskryf het 'n geheime briefie tussen hulle en God is en dat

niemand daarvan hoef te weet as hulle nie wil deel nie. Elke keer wanneer hulle na hul inkleurvel kyk kan hulle onthou wat hulle daar neergeskryf het.

4. Skep 'n oomblik vir die kinders om neer te skryf wat op hul harte druk in die sambreel gedeelte:
 - Beloftes wat God aan my maak
 - Dinge wat ek graag vir God wil doen
5. Versier die sambreel gedeelte met blinkers.

Sê in jou eie woorde: Wanneer dit kom by die beloftes en die Woord van die Here, is daar geen spookasemwolk beloftes nie. Wanneer Hy praat, belowe Hy nie net nie. Wanneer Hy praat, bring Hy lewe en hoop. Wanneer Hy beveel, skuif water weg, storms word stil en Sy beloftes word waar in jou lewe. Dit mag dalk nie lyk soos jy dit graag wou hê nie. Betroubaarheid is een van die mooiste eienskappe om die Here te beskryf. Hy is die Een op wie ons altyd kan staatmaak.

Die vraag is, as die Here graag wil hê dat ons Hom moet verteenwoordig op aarde, hoe sou jy jou betroubaarheid beskryf? Praat jy spookasemwolke en verdwyn soos spookasem in jou mond wanneer dit tot aksie moet oorgaan? Is jy iemand waarop almal kan staatmaak? Dit mag dalk onmoontlik voel om altyd betroubaar te wees, maar wanneer jy wandel saam met die Here, sal Hy jou lei in die manier hoe jy leef. In Sy leiding, sal Hy jou wys wanneer dit tyd is om stil te bly en eerder nie valse beloftes of stellings te maak nie.

Aktiwiteit 2 - Spookasem Saul

Sê die volgende in jou eie woorde: Israel se eerste koning kan beskryf word as 'n groot spookasemwolk met 'n kroon op. Die volk get gekla omdat hulle ook 'n mens koning wou hê om na op te kyk. Saul was uitgekies deur God vir die rol as hierdie Koning. Dit was nou 'n man wat sommer gelyk het soos 'n koning wat mens kan volg. Lank, sterk en 'n bobaas vegter. Saul se grootste fout was egter dat Hy nie getrou aan die Here was nie. Saul het gesukkel om gehoorsaam te wees aan die opdragte wat die Here gee. Hy het net eenvoudig die dinge gedoen wat vir hom makliker was om te doen en het hom nie gesteur aan die dinge wat God van hom gevra het wat meer moeite geverg het nie. Sy onbetroubaarheid het nie net gelei tot 'n skeiding tussen hom en God nie, maar dit het hom ook heeltemal van koers af gevat van die plan wat die Here met Saul se lewe gehad het. Die Here kies toe 'n nuwe Koning. In 'n verlate veld roep hy 'n skaapwagter seuntjie op. Dawid, 'n man na aan God se hart. 'n Man wat by woord en daad getrou wou bly.

Betekén dit dat Dawid nooit foute gemaak het nie? Beslis nie. Dawid het ook lekker in ongehoorsaamheid afgedwaal en teleurgestel. Die verskil tussen Dawid en Saul was dat Dawid in besef van sy foute dinge met God reg gaan maak het. Daar is Psalms waar Dawid bitterlik huil voor God en vra vir vergifnis. Dawid het geweet dat sy verhouding met God eerste reg gemaak moet wees, voordat Hy dinge met mense wou regmaak. Saul het by groot woorde en slim verskonings gebly wanneer hy vir God teleurgestel het.

Mag die verhaal van Saul en Dawid vir ons leer om versigtig te wees met ons woorde en dade. Mag ons nie spookasemwolke wees wat teleurstel in die manier hoe ons aksie tot ons woord gee nie. Mag ons ook kies dat ons verhouding met God die heel belangrikste is. Mag ons getrou bly aan die plan wat God vir ons lewens het, sodat Hy ons ook kan gebruik om getrou aan Sy Koninkryk te bou.

Gesels oor die volgende terwyl die kinders hul aktiwiteit velle versier:

8. Waarom is dit so belangrik om gehoorsaam te wees as ons betroubaar wil wees?
9. Waarom was dit verkeerd van Saul om net aan sekere dinge wat God gevra het gehoorsaam te wees?
10. Saul en Dawid het foute gemaak. Hoe het Saul sy foute hanteer? Hoe het Dawid sy foute hanteer?
11. Hoe kan jy spookasem en die verhaal van Saul en Dawid gebruik om vir iemand te verduidelik hoe belangrik dit is om betroubaar te wees?

Spookasem verdwyn vinnig wanneer jy dit eers eet,
net die soet geur bly agter voor jy dit nog weet.
Baie keer is dit ook so met die beloftes wat ons maak,
dit verdwyn so vinnig wanneer dit 'n aksie moet raak.
Om betroubaar te wees beteken om by jou woord te kan hou,
sodat ander jou altyd kan glo en vertrou,
met so 'n mens kan die Here ook Sy Koninkryk bou!

Mense wat nie hulle beloftes aan my gehou het nie:

Mense aan wie ek nie my beloftes gehou het nie:

**Beloftes wat God aan
my hou:**

Dinge wat ek graag vir God wil doen:

Naam:

Spookasem Saul

Die Here se volk wou ook 'n koning hê,
wat in belangrike sake sou kon lei en kon sê.


Die Here kies vir Saul vir die grote taak uit,
maar mooipraatjies wat Saul se grootste kwaal en geit.

Sien, Saul volg eerder sy eie kop,
blaas beloftes soos spookasem wolke op.

Saul is getrou aan die Here as dit hom pas,
maar waar dit ongemaklik raak,

begin Saul aan die plan te las.

Propvol verskonings met geen berou,
so mens kan die Here mos nie gebruik of vertrou...



Die Here kies 'n nuwe koning vir die part,

Dawid 'n skaapwagter - seun na Sy hart.

Al het Dawid ook mooipraatjies en foute en maak,
het hy dit besef en daaroor hartseer geraak.

Dawid het altyd dinge met God reg maak,
want naby God wou Dawid graag betroubaar raak.

Soos Dawid saam die Here groei en leer,

begin Dawid mooipraatjies en beloftes

versigtig te keer....

Dawid besef dat die Here eers op hom moet kan reken,
voordat hy kan uitgaan en iets vir ander kan beteken.

“Wie in die kleinste dinge betroubaar is, is ook in die groot dinge betroubaar; en wie in die kleinste dinge oneerlik is, is ook in groot dinge oneerlik. Lukas 16:10

Kouland 2 : Familie Studie

Dierbare Koubouters Skatte!

Dit was omtrent 'n bedrywige dag in die fabriek vandag gewees. Vandag het ons geleer dat dit baie belangrik vir God is dat ons betroubaar is. Om betroubaar te wees beteken dat jy by jou woord hou en gehoorsaam is wanneer jy 'n opdrag kry. Ons woord moenie wees soos spookasem wat dadelik verdwyn wanneer dit in jou mond gesit word nie. Ons moet met die manier hoe ons betroubaar teenoor ander is vir hulle iets leer van die getrouheid van God.

Koubouter Koukis:

Ysbreker:

Neem 'n spookasembal. Breek vir elke kind 'n stukkie af. **Sê in jou eie woorde:** *Die beloftes wat ons maak is baie keer soos 'n yslike groot spookasemwolk. Groot, mooi, soet. Dit is ongelukkig baie keer eers wanneer ons moet doen wat ons belowe het om te doen, wat ons beloftes soos spookasem in jou mond verdwyn. As ek tot 3 tel, dan sit ons almal gelyk die spookasem in ons monde. Hoe vinnig het daai spookasem gesmelt in jou mond? Wat proe julle nou? Ja, al is die spookasem weg, proe jy nogsteeds die soet in jou mond al is dit weg. Dit is baie keer hoe die beloftes wat ons maak werk. Al doen ons nie wat ons sê ons gaan doen nie, voel mense nog lank daarna hartseer omdat jy nie gedoen het wat jy gesê het jy gaan doen nie. Elkeen van ons het al 'n belofte gemaak en ander teleurgestel wanneer ons nie daarby hou nie. Elkeen van ons was al teleurgesteld deur 'n belofte wat iemand nie gehou het nie. Een ding is seker, beloftes maak skuld. Skuld sit druk op verhoudings. Verhoudings kry seer as gevolg van teleurstellings.*

Gaan lees Lukas 16:10

1. Wat beteken dit om betroubaar te wees?
2. Wat bedoel Jesus met hierdie woorde?
3. Hoe het jy gevoel toe iemand nie iets doen wat hulle gesê het hulle gaan doen nie?
4. Hoe het jy gevoel die volgende keer toe daardie persoon weer vir jou beloof om iets te doen?
5. Waarom is dit vir God so belangrik dat ons betroubaar is aan Hom?
6. Waarom is dit vir God so belangrik dat ons betroubaar is aan mense?
7. Wat kan ons doen wanneer mense ons vra om iets te doen as ons nie seker is of ons dit sal kan doen nie?

Spookasem Saul - 1 Samuel 13

Sê die volgende in jou eie woorde: Israel se eerste koning kan beskryf word as 'n groot spookasemwolk met 'n kroon op. Die volk get gekla omdat hulle ook 'n mens koning wou hê om na op te kyk. Saul was uitgekies deur God vir die rol as hierdie Koning. Dit was nou 'n man wat sommer gelyk het soos 'n koning wat mens kan volg. Lank, sterk en 'n bobaas vegter. Saul se grootste fout was egter dat Hy nie getrou aan die Here was nie. Saul het gesukkel om gehoorsaam te wees aan die opdragte wat die Here gee. Hy het net eenvoudig die dinge gedoen wat vir hom makliker was om te doen en het hom nie gesteur aan die dinge wat God van hom gevra het wat meer moeite geverg het nie. Sy onbetroubaarheid het nie net gelei tot 'n skeiding tussen hom en God nie, maar dit het hom ook heeltemal van koers af gevat van die plan wat die Here met Saul se lewe gehad het. Die Here kies toe 'n nuwe Koning. In 'n verlate veld roep hy 'n skaapwagter seuntjie op. Dawid, 'n man na aan God se hart. 'n Man wat by woord en daad getrou wou bly. Beteken dit dat Dawid nooit foute gemaak het nie? Beslis nie. Dawid het ook lekker in ongehoorsaamheid afgedwaal en teleurgestel. Die verskil tussen Dawid en Saul was dat Dawid in besef van sy foute dinge met God reg gaan maak het. Daar is Psalms waar Dawid bitterlik huil voor God en vra vir vergifnis. Dawid het geweet dat sy verhouding met God eerste reg gemaak moet wees, voordat Hy dinge met mense wou regmaak. Saul het by groot woorde en slim verskonings gebly wanneer hy vir God teleurgestel het. Mag die verhaal van Saul en Dawid vir ons leer om versigtig te wees met ons woorde en dade. Mag ons nie spookasemwolke wees wat teleurstel in die manier hoe ons aksie tot ons woord gee nie. Mag ons ook kies dat ons verhouding met God die heel belangrikste is. Mag ons getrou bly aan die plan wat God vir ons lewens het, sodat Hy ons ook kan gebruik om getrou aan Sy Koninkryk te bou.

Gesels oor die volgende terwyl die kinders hul aktiwiteit velle versier:

8. Waarom is dit so belangrik om gehoorsaam te wees as ons betroubaar wil wees?
9. Waarom was dit verkeerd van Saul om net aan sekere dinge wat God gevra het gehoorsaam te wees?
10. Saul en Dawid het foute gemaak. Hoe het Saul sy foute hanteer? Hoe het Dawid sy foute hanteer?
11. Hoe kan jy spookasem en die verhaal van Saul en Dawid gebruik om vir iemand te verduidelik hoe belangrik dit is om betroubaar te wees?



Dankie, vir julle saamleer vandag. Fluit-fluit ons kuier is uit, gaan versprei nou hierdie geloofsles vêr en wyd!

Skryf iemand se naam neer met wie jy hierdie boodskap gaan deel: